

**IZVJEŠTAJ O UČEŠĆU CRNOGORSKE DELEGACIJE KOJU JE PREDVODILA  
MINISTARKA RADA I SOCIJALNOG STARANJA, NAIDA NIŠIĆ,  
NA ZAVRŠNOJ KONFERENCIJI REGIONALNOG STAMBENOG PROGRAMA  
(RHP), 28.29. I 30. NOVEMBRA 2023. GODINE U SARAJEVU, BOSNA I  
HERCEGOVINA**

Na poziv, Ministarstva za ljudska prava i izbjeglice Bosne i Hercegovine u ime četiri partnerske države ( Crna Gora, Hrvatska, Bosna i Hercegovina i Srbija ), ministarka rada i socijalnog staranja sa delegacijom, prisustvovala je završnoj konferenciji Regionalnog stambenog programa RHP, u Sarajevu, Bosna i Hercegovina.

Crnogorska delegacija boravila je u Sarajevu 28.29. i 30. novembra 2023. godine.

Imajući u vidu važnost pomenutog događaja, crnogorska delegacija je bila u sljedećem sastavu:

- Naida Nišić, ministarka Ministarstva rada i socijalnog staranja
- Anđela Nedović, državna sekretarka
- Mersida Aljićević, direktorica Direktorata za socijalno staranje i dječju zaštitu
- Budimirka Đukanović, načelnica Direkcije za zaštitu rizičnih grupa

Regionalni stambeni program (RHP) je zajednička inicijativa Bosne i Hercegovine, Crne Gore, Republike Hrvatske i Republike Srbije (zemlje partnera). RHP je imao za cilj da doprinese rješavanju dugotrajne situacije raseljenja najugroženijih izbjeglica i raseljenih lica nakon sukoba 1991-1995 na teritoriji bivše Jugoslavije, uključujući interno raseljena lica u Crnoj Gori od 1999. godine.

Zahvaljujući RHP-u, procjenjuje se da je 11.400 domaćinstava ili 34.000 pojedinaca u četiri partnerske zemlje dobilo sigurne domove, čime je okončano njihovo dugotrajno raseljavanje.

S obzirom da je Program u završnoj fazi, završna konferencija RHP je održana kako bi se predstavila značajna dostignuća ovog vrijednog programa.

Pomenutom događaju su prisustvovali predstavnici Upravnog odbora RHP – koji pored predstavnika donatora i Programskih partnera čine i predstavnici zemalja partnera RHP: Razvojna banka Vijeća Evrope (CEB), Visoki komesarijat Ujedinjenih naroda za izbjeglice (UNHCR) i Organizacija za evropsku sigurnost i saradnju (OEBS).

Ministarka rada i socijalnog staranja Naida Nišić je predstavila rezultate projekta u Crnoj Gori i zahvalila se donatorima na podršci i razumijevanju.

Saradnja između država u regionu pokazala se ključnom za uspjeh ovog programa i doprinijela je ne samo dobrobiti najugroženijih izbjeglih, raseljenih osoba i povratnika,

nego i obnovi međusobnog povjerenja, promociji mira i koegzistencije, a time i stabilnosti u regionu. Stoga je RHP jedinstven program postkonfliktne obnove koji zahvaljujući demonstriranoj političkoj odlučnosti i odgovornosti, može služiti kao model za rješavanje drugih raseljeničkih situacija.

Imajući u vidu činjenicu da je RHP ostao djelimično nezavršen u nekim od partnerskih zemalja. Na konferenciji je potvrđeno da će države, vlastitim sredstvima, adekvatno stambeno zbrinuti preostale izabrane porodice kojima stambeno rješenje nije moglo biti osigurano kroz RHP.

Potvrđene su obaveze partnerskih država da pružaju zaštitu i unaprijeđuju prava preostalih izbjeglih, interno raseljenih osoba i povratnika, uključujući i postojeća individualna prava i osiguraju svu neophodnu političku, materijalnu, pravnu, socijalnu i drugu podršku potrebnu za okončanje njihovog raseljenja i dajući im mogućnost da žive kao ravnopravni građani u našem društvu, bez diskriminacije u bilo kojem obliku.